

大同縣志

目錄

卷首

序文

凡例

目錄

銜名

卷一

圖考

卷二

星野

星圖
占候
星異

占候

躔度

考證

新月

歲時

卷三

沿革

地考

地考

民里

屯里

辨證

卷四

疆域

四鄉
圖

指掌

山川

水利

卷五

營建

城池
驛站

衙署
舖遞

街坊
寺廟

祠祀
陵墓

倉儲

橋梁

卷六

關隘

古蹟

后妃

藩封

巡幸

卷七

都會

卷八 風土 風俗 昏禮 喪禮 物產

卷九 賦役 戶口 稅課

卷十 學校

卷十一 官師

卷十二 選舉 進士 舉人 武甲 武科 副貢 拔貢
恩貢 歲貢 徵辟 行伍 封贈

卷十三 宦績

卷十四 營伍

卷十五 武事 昭忠附

卷十六 人物 前 史傳 忠節 儒林

卷十七 人物 後 文苑 功階 孝友 行義
寓賢 仙釋 技術

卷十八 列女 賢媛 節孝 貞烈

卷十九 藝文 上 古文

卷二十 藝文 下 古今體詩

卷尾 雜志

第一本 卷首至卷四

第二本 卷五至卷八

第三本 卷九至卷十一

第四本 卷十二至卷十四

第五本 卷十五至卷十六

第六本 卷十七至卷十八

第七本 卷十九

第八本 卷二十至卷尾

同縣志卷十七

人物

後

文苑
寓賢

功階
仙釋

孝友
技術

行義

文苑

文之在天者曰日月星辰在地者曰山川草木其於人也以磊落英特之襟期而遍歷名都奧區極盡壯遊以激發其志氣則發爲文章足以經世而行遠矣雲中地氣深厚淵淳懿茂之澤及人者多故窮經以致用者代不乏人繼前修勵後進所重望於今日也乎

劉勲字少宣少日卽知名住太學與兄譙胥有聲場屋間專工詩學金士大夫多傳誦之兼長尺牘落筆皆可觀風流蘊藉見於

文字者皆然

張從儉元延祐中爲榆次令有異政邑中耆老立碑記之

杜唐卿德高學古元時官至浙江省參政

李溥光幼出家爲僧號雪菴和尚喜讀書經傳子史無不淹貫善詩工書筆法遒勁尤長於擘窠大字一時宮殿匾額皆出其手至元間奉詔蓄髮授昭文館大學士著雪菴集帖行世

吳明志號樂齋元時累官國子助教文學重於一世

許子遜元時授中奉大夫集賢學士有才識通今習古凡詔誥必更其手文章振卓於時

李巖元時初業儒博覽經史旁通書算之學爲和寧路學政棄歸

日以著述爲事

吳翔明正統初任代王府教授改都御史年富薦其才知曹縣有惠政

劉文字宗華以鄉貢選習譯字登明正統元年進士授中書舍人仍譯字十四年命提督四譯館丁母憂詔奪情任事陞吏部郎中天順初以功陞右通政乞休還家卒

郭紀明正統甲子舉鄉試第一辛未成進士選監察御史累官江西布政使紀少有雋才釋褐後肆力於詩古文辭書法琴曲亦皆精妙當世稱爲三絕

撒俊明成化中由歲貢知陝西醴泉縣增築外城建立場市歷九

大同縣志 卷一
載剛方如一

李敬明宏治己酉鄉舉知文登縣清操自勵政有實效遷去民思之立碑

李翰臣明正德三年進士官御史巡按山東吏部主事梁穀誣歸善王當沍謀逆翰臣劾穀挾私近倖方欲邀功以翰臣爲逆人掩飾逮繫詔獄謫德州判官終山東副使

樊深明嘉靖間爲通政使疏劾仇鸞時鸞上方優眷立斥深爲民穆宗初復官尋遷刑部右侍郎時恩赦死罪以下而流徒已至配者所司拘律令不遣深言殊死猶赦而此反不及非所以廣皇仁詔從其議旋晉左侍郎罷歸卒

任中立明嘉靖辛卯舉人初任沂水知縣時盜匪聚掠建策擒獲
陞順天府推官轉戶部主事征倭敘功授正五品

王應元字象元幼習舉子業既而棄去臨池學書專精古人法帖
其楷書出筆卽邁時俗出入於歐虞褚薛諸家自成一格草書
則力追王內史奕奕有生動氣小如蠅頭大而徑丈靡不精妙
晚年研精禪理

朱遜炘號草軒代王桂子善擘窠大書尤工寫竹時共珍之炘孫
冽泉者逸其名亦善畫竹學夏太常景頗造其妙按明世諸王
多以翰墨見稱而累傳忠貞代簡王之子孫尤著云

李一鶚翰臣孫明嘉靖乙卯舉人性醇篤初任無極知縣調江寧

大同縣志卷之十一
三
以治最陞南京戶部主事轉刑部郎中爲同舍所忌左遷鄜州同知歷真定府通判汝州知州以親老取道歸省遂不赴

王用中明嘉靖丙辰進士授山東平原知縣邑多盜用中立法捕緝四境帖然陞戶部主事引疾歸時手一編不輟當事請主雲中書院多所造就少受書於從兄用賓事之若嚴父用賓性醇篤精舉業屢舉不第嘉靖中以貢知靖海縣告歸讀書課子弟與郡中張別駕應武溫撫軍景葵文酒從容號雲中三老鄉論敦倫方正者必首王氏兄弟焉

王用賓性醇篤精舉業屢舉不第嘉靖中以貢授靜海知縣未浹期意頗厭之投劾歸讀書課子弟時與郡中張通府應武溫撫

軍景葵文酒從容時人號爲雲中三老

張應武明嘉靖間貢生授大城知縣以仁恕爲治稱廉平遷河間府通判益務寬大未幾乞休去應武深經術於易尤邃旣歸後探討不輟子孫多以科名顯

何廷俊廷魁從弟父餘師性孝友工書善詩賦以選貢任青州府經歷用不盡才時論惜之廷俊明萬厯間貢任平陽教授厯知臨潼項城二縣遇旱禱雨輒應蝗不爲災及歸杜門著述中年喪偶不再娶孫大印舉丁卯鄉試官刑部郎

郭中鼎字五黃究心易理樂道不倦順治十二年以薦起丹陽知縣興利除弊不期年威惠大行暇則討論經史手不釋卷卒於

任喪歸囊無餘貲士民哭送數十里不絕

張于德居家以孝友著登順治辛丑進士選威遠教授捐俸修學宮月集諸生課文藝尤邃於易理詩學朝夕講貫以闡明經術鼓勵士風爲己任歲歉奉檄散賑多所全活累陞國子助教兵部主事告歸卒

王德馨官廣東守備以武科起家而雅好文翰其書法學董文敏大字尤擅場大同總鎮某甚愛重之每置酒高會輒令作擘窠書興酣落筆皆有矩矱今大小教場牌匾文字及四牌樓坊額其遺墨也

王言經邑廩生性穎敏幼有文名見重於時及授徒講學文昌宮

一時後進從其遊者皆有成就斐然質有其文弟言綱子敏俱爲諸生亦各有聲於庠序間

鄭陟字學山賦性嚴峻守正不阿工詩賦兼精天文手著星宿圖要每指示占候歷驗不爽惜未梓以行世平生文機敏妙後雖年耄偶有所作無不援筆立就不加點竄嘉慶甲子科

欽賜舉人乙丑己巳兩科累

賜國子監助教學正後以歲貢訓導興縣壽八十餘而終

李培芳歲貢生性和平耽志書籍每試必冠軍與孝廉楊得爲莫逆友鄉試輒薦而亦終不售時論惜之

屈天驥歲貢生孝廉朝品子性嚴恪貌亦奇古兼通堪輿矩步方

大同縣志卷一
行不輕言笑有嶽嶽氣概與弟天軼俱以嚴師見稱

王士達文行見重於時以歲貢訓導右玉年八十餘赴京與嘉慶元年千叟宴得邀

欽賜回里越數年而卒孫清舉工書法以端謹稱

楊得字動菴乾隆戊子科舉人文名甚著尤敦內行宗族鄉黨幾於無間言爲學宗近思錄湛深於理以大挑選汾西訓導復補臨晉教諭誨迪庠序諄諄不倦其成就人才今猶稱之任臨晉時歲大祲太守檄楊協襄賑濟楊於古今荒政備悉經緯一時全活甚衆河東數十州縣救荒之策以臨晉爲稱最楊之力也王縝字掌綸縣學貢生生有異質七歲能吟詩蒙師驚訝授書若

夙悟卬角爲文輒高出儕輩甫就試卽冠軍旋食餽凡歲科考
必拔前茅見譽於督學者指不勝屈而鄉園則屢躋雖試草膾
炙人口而主司視之平平也故偶薦亦不售享壽六十七以歲
貢終時論惜之縝志潔行芳平居不苟言笑其爲文清超拔俗
尤肆力於古文諸大家沉潛經義淹貫子史晚年靜坐一室常
兀兀終日一切世態絕不縈懷其庶幾有道之士歟時人有違
於親薄於宗鄙者皆羞爲所見更可知其人品矣

姜清元字一齋家素貧舌耕養親有菽水之懽少入泮隨父繁峙
把總之任適內翰孫某改官縣令愛其才親爲指授學業大成
讀書晉陽書院文名見重一時壬申舉於鄉中甲戌明通進士

任絳州學正郡中學業之有師承者今尚推清元云

何士璉字殷彝拔貢生七歲而孤十七歲入縣學家貧授徒本郡
隣邑從遊者六七十人掇巍科躋膺仕者有焉士璉自以忠愍
後裔以敦族明宗爲己任遭姜逆之變而家譜賴以不墜者士
璉力也年八十九沐浴冠帶而終

功階

前賢之功勲赫奕者已備著於篇自是而下有以材武著稱
者或折衝於疆場或捍禦於鄉邦皆所謂執干戈以衛社稷
者也安可以不傳乎若夫忠信以爲甲冑禮義以爲干櫓則
吾儒皆然豈惟健士也哉